

束鹿縣志

卷一至卷三

130.83

75339

地 130.83

35

1-4

部五

束鹿縣志

束鹿縣志

束鹿縣志序

官吏之治民也不在著述而著述之有關治蹟者亦官吏所不可不講如郡志縣志之爲書原倣周禮春官小史掌邦國之志外史掌四方之志及地官大司徒立土訓以詔地事立誦訓以道方志之例以故版圖隸乎域

束鹿縣志序

中卽遐陬僻壤寒燠燥濕不同候廣谷大川不同形民生其間者剛柔遲速之異齊五味之異和器械之異制衣服之異宜莫不有志矧夫籍附

神京首沐

王化者乎束鹿保定屬邑距畿南五百餘里其志不自今昉

但莫爲之前美固弗彰而莫爲
之後盛亦弗傳余膺

簡命按視直省察課吏最亦時
留心於此適東鹿令李君符清
稟稱鹿之縣志年遠缺畧恐日
就磨滅文獻無徵願捐貲重修
余嘉其請亟爲許可並屬其志
以傳信非以傳疑須查核精實

無遺而亦無濫令果敏於趨事
春仲延宿儒彙纂秋抄書卽告
竣繕稿賚覽兼請製序余細加
參閱見其類分十門帙共十卷
或因舊文以正訛謬或增新得
以拓見聞俾東鹿一邑遠襲漢
唐之遺蹟近霑

盛世之恩膏者靡不綱舉目張

應如指掌焉傳云太上立德其次立功其次立言是志之作也謂非立言之例與且其間表揚善行搜索媿政殊足爲闡幽芳敦風化正人心勵官方之一助則立德立功又將基於此矣雖紳衿之襄贊不一而倡其議董其成則令之力居多余故謹卽

其編次之顛末撰言以弁諸首自茲以往凡宰是邑者倘能按圖敷治於地里則經界必期其正於河道則泛濫必立其防諸所建置有修舉而無廢壞一切糧畝循成憲而勿混淆振興學校務實踐黜虛文追念職官法清廉戒貪墨選舉以公明培其

本人物以忠孝樹之型風土一
起乎節儉藝文永尚乎真純舉
十志之所載一一循名責實悉
仰答

聖天子度地居民隨時布化之
深心是則余序斯志之志也夫
而李君重修斯志之意將毋同
哉

嘉慶三年歲次戊午嘉平月既
望穀旦

特授直隸等處提刑按察使司
按察使統轄全省驛傳事
務全保撰



東鹿縣志序

我

國家久道化成重熙累洽郁郁彬彬之盛海內皆然况

畿輔近邑得其人而倡導之人
心厚風俗淳政治文章蔚然不
變尤足以信今而傳後哉東鹿
隸保郡之南鄙攷其壤界卽禹

東鹿縣志序

一

貢大陸以東九河以西舊地漳
水環其南而滹水潑於左地勢
平行人情質樸蓋其風近古也
東鹿令李君志行甚古而文義
甚高其宰是邑也興利除弊歲
舉月修凡吏治之有益于民者
無不勤加採擇因念舊志之久
而不修也捐俸鳩工衆爲之繼

訪博聞績學之士考獻徵文
窮幽索隱其言核其事其別類
分門釐然各當而于地理河渠
之源委學校人物之忠義冠綱
巨目尤爲纖細不遺余旣嘉其
書之成而李君卽以序爲請夫
志者記也其名見於周禮後之
作志者因之春官小史掌邦國

之志卽後世郡志之所由昉也
外史掌四方之志卽後世縣志
之所由昉也遷史之紀事也有
書無志班史之紀事也有志無
書江淹亦謂作史之難莫難于
志夫其所謂難者何也蓋微詞
不信易失之誣援引不純易失
之雜或畧于本而詳於末或泥

於古而昧于今皆非志之善者也茲觀李君於書院義倉民俗士行彰善癉惡諸大務細心搜括原本舊章不敢炫異以矜奇不欲誇多而鬥靡訂其訛存其是芟繁就簡稱善志焉余因思天下有人心而後有風俗有教化而後有人心教化之源擦之

自上上得其道則下順民心是以不介而孚不勞而理一時地無遺利民無餘力各從事于田畝盡心於忠孝行其途則野有讓畔之氓入其郊則戶多詩書之氣遠近傳爲盛事父老播爲美談一邑如此羣邑效之天下蒸蒸爭趨于治以此嘆父母斯

以者之爲功甚鉅也余膺
簡命觀風保陽各郡日懷此意
以採訪屬邑之善否已非一日
今見李君所修之志欣然慰民
物之恬熙而幸此邦之可與有
成并樂爲四方諸君子告也是
爲序

時

東鹿縣序

四

嘉慶四年歲次己未八月旣望

穀旦

分巡直隸清河道陞任福建等
處提刑按察使司按察使
統轄全省驛傳事瞻柱撰



東鹿縣志目錄

卷一

地理志

卷二

河道志

卷三

建置志

卷四

田賦志

卷五

學校志

東鹿縣志

目錄

一

卷六

職官志

卷七

選舉志

卷八

人物志

卷九

風土志

卷十

藝文志

重修東鹿縣志序

志者史之一體也周禮小史掌邦國之志注謂若周志鄭書之類卽國史一統志也外史掌四方之志注謂若魯之春秋晉之乘楚之檇杌卽通志郡縣志也邦國之志歷代有之而州縣志則宋以前無聞若唐十道志元和志皆統天下言之非專志一州一邑也自宋長安臨安諸志作以後而吳郡建康府有專志矣合肥無爲州縣有專志矣蓋志者記也所以示不忘也州縣雖志一隅然積之則爲通志又積之則爲一統志故未可聽其闕畧焉東鹿舊志沒於溇沱其存者有前令劉君崑李君文耀二本余自戊申歲承乏茲土去李君之修者已三十餘載比甲寅再至又逾數年我

東鹿縣志

序

國家厚澤深仁 畿輔之被化尤渥不惟人材輩出忠孝相望卽如溇水南徙邑城易輒皆宜詳載况余兩任八年於疆域財賦風土人物悉之尤稔更不敢不亟爲採輯以信今而傳後也適裴宿塘農部讀禮保陽來爲南池堂長而沈秋雲太史亦以請假故道過鹿巖因相與商確共襄斯舉於春仲開局八閱月而告竣貯爲十門舊志之缺者補之訛者正之凡未經採錄者以次編入於地理河道以及祠宇之廢興學校之典禮下至昆蟲草木之微皆博徵載籍溯委窮源似非專志一縣者所應有然李敏達公通志陸清獻公靈壽志已肇其端拓

聖天子雅意右文開

如東鹿縣志自故明正德以來中間不乏良有司乃隙駒候鴈兩不暇給卒未聞參考編摩用襄文獻迄今越百六十餘年時異代殊先生乃諏遺人拾殘帙成其書于典籍銷沉老成凋謝之後豈非得其時歟方今

經筵咨治道太平盛世將在目前此正其禮樂文章之先見者予小子敢曰陳師錫之無當於廬陵史而閣筆卷舌乎哉

康熙十年辛亥夏五月清苑陳僖撰

而充之或可以備稽古者之參考若準田賦則絲毫必
謹志人物則寸善必書職官選舉悉本舊志續增藝文
則嚴爲選擇各門中條分縷晰一以導揚

聖朝涵育滋液之德視前二志有不相侔者矣且志卽縣之
史非特文獻所存亦司牧者之圭臬也出宰一邑而山
川道里因革損益茫然不知譬欲濟渡而不問舟楫俛
俛乎靡所適從將何以順俗成化臻於上理耶是書成
而後之心殷民瘼者展卷瞭然知所藉手則余與裴沈
二君編輯之功不無小補云爾

嘉慶三年歲次戊午秋九月上浣

誥授奉政大夫知東鹿縣事合浦李符清仲節甫撰

鹿縣志卷一

翰林院編修沈樂善

戶部主事裴顯相仝輯

東鹿縣知縣李符清


地理

周禮鄉遂之長各以其城血山川溝樹之數貢請天府由是土訓掌之職方掌之大司徒掌之匪特覽形勢測廣輪而占驗之休咎損益之得失人民豐嗇之數胥見於此鹿邑背上谷控中都遠接滏漳近扼滹水三輔間號稱沃邑惟在循其實而謹書之庶後之官斯土者愛民之心可以知所用也志地理


東鹿縣志卷一

地理

城圖



文廟圖




東鹿縣志卷一


地理

輿圖

一一



義倉圖



東鹿縣志卷一

地理 圖

